

درسعادته یکی پوسته خانه قارشوسند
دائرة مخصوصه در

حل اراره:

مشرط القلم

۱۳۲۶

دین، فلسفه، ادبیات، حقوق و علوم دین باحث هفته لق رساله در

انظار:
سلکمزہ موافق آثار جدیدہ مع المنونہ قبول اولنور
در حج ایدیمینی آثار اعاده اولنور

مؤسسلری: ابوالعلا زین العابدین - ح. اشرق ادیب

درسعادته	سنه لکی القایلنی
ولایاتده	۶۵ ۳۵
ممالك اجنبیهده	۹۰ ۵۰
	غروشدره

تاریخ تأسیسی:
۱۱ نموز ۳۲۴

درسعادته نسخه سی ۵۰ پاره در

قیریلده دن مقوا بورو ایله کوندریلیرسه سنوی
۲۰ غروش فضله آلنیر.

درسعادته پوسته ایله کوندریلیرسه ولایات بدلی اخذ اولنور.

عدد: ۱۷

۳۲۶ ذی القعدة ۲۳ پنجشنبه ۴ کانون اول ۳۲۴

برنجی سنه

سلامہ قادینی

اردہ ایکنجی فصلک مابعدی

صرف مادی اولان مدنیت غریبہ قادینلری

عجبا تکمل ایتش قادینلر میدر ؟

« بناءً عليه طلاق صوك درجده توسع ايتكده در، ايشك اصل دهشت ویرن جهتی شودرکه طلاق آرزولرینک یوزده سکسانی قادینلر طرفندن وقوع بولمده در . بوندن ده رابطه ازدواجك فیککی خصوصنده ارککک غایت ضعیف بر تأثیری اولدینی اکلاشیلیور . زیرا ارکک طلاقدن جدأ اوتاندینی ایچون قاریسندن بیزار اولدینی زمان بر باشقه سنی آرار ، فقط اولکندن آیرلایه چالیشماز . مکرکه ایکنجیسی کنديسیله ازدواجه طالب اولسون . »

ینه او محرر آمریقاده طلاقك سهولت وقوعی تصویر ایدرکن دیورکه : « برچوق آدملر واردرکه قاریلری طرفندن بوشامش اولدقلرینی آنجق اولرک باشقه قوجهیه واردقلری زمان آکلارلر ! »

طلاقك چوق دفعه لر سبی ده ارکککک قادیندن آیری بولنلری ، اولنلری اتفاق ایتاملیردر . مستر لوسن دیورکه : « کچن سنه [۱۸۹۷] بوستونده بویوک محکمه آچلدینی زمان ایچریسی اوچ کون مقادیاً طلاق طلبنده بولان ارکک ، قادین ایله طولدی . بونک اوزرینه محکمه ایلك هفته ظرفده ۷۵ طلاق کاغدی امضالیدی . طلاقه سبب ده ارکککک قاریلرینی یالکز بر اقلری ایدی . »

بوايستاتستیکلر ، بواجی شکایتلر کوستریورکه (المرأة الجديدة) مؤلفنک مشتکی بولندینی علت ترقیات مدنیه جهلک ایلری کیدن مملکتلرده ده موجوددر . اگر بوکا سبب مستوریت اولسهیدی ایش اورالرده بالطبع بودرجهبی بولمازدی . (روو) بوايستاتستیک ایراد ایتدکن صوکره دیورکه : « خرقة اجتماعیه آرتق طوتوشیور ، لکن یالکز ایکی اوچندن دکل ، بلکه اورته سندن ده یانمسنه چالیشیلور . هله بزم ایچون هیچ شبههیه محل یوقدرکه عائلهلری هدمه سنی ایدن یکی قادینلردن باشقه برشی دکلددر . »

یوقاریدن بری سرد ایلدی کمز مطالعانه شویله برنظر عطف ایدیلرکه اولورسه آرتق قناعت ایدیلورکه قادین مسئله سنده شکایت اولنان فناقلرک کافه سنی ازاله ایچون بزم اکسیکمز - تسترک دوامی شرطیله - تربیه و تهذیبدن عبارتدر . زیرا تستر استقلال نسوانک ضامن وحیدیدر ، ارککک طرفندن حدود طبیعیهلری خارجنه چقارلما لرینک کافل یکانه سیدر . حال بوکه یوقاریده علوم اجتماعیهیه استناداً اثبات ایتش اولدیغمز وجهله بوچنسک رفا و سعادت ، هلاک و شقاوتی محضاً بوحدوده رعایت یاخود عدم رعایتله قائمدر . بناءً علیه تربیه - حتی بسیط برصورتده اولسه - والدهلرک جهلی ازاله ایدر ، اولنلر ده عائلهلرینک حالی تنظیمه اهل اولورلر ، قوجهلرینک فخر و مباهانه اثبات لیاقت ایدرلر .

اوت ، بوبسیط تربیه سایه سنده بتون اغتشاشات عائلیه محو اولور ، یاخود هیچ اولمازسه جدی صورتده آزالیر . عائلهلر ذوق وسعادتک پناهی ، صفای حیاتک جلوه کاهی اولور . بوکا بر دلیل محسوس ایسه ملتکز تربیه و تعلیم کورمش اولان وسط طبقه سنده بو اغتشاشاتک ندرتیدر . حال بوکه ممالک مدنیه ده بوعائله کورولتیلری کوندن کونه آرتقمده در . یوقاریده کی ایستاتستیک مدعامنک شاهد عدلی اولدینی کی اوقیلدن دهارچوقلری وارسه ده سوزی اوزاتمامق ایچون ترجمه لرندن صرف نظر ایدیورز .

برده بلاد غربده کی مطلقین ومطلقات شرقده طلاقك نسبة پك نادر اولدینی طبقه لر دن عمومیت اعتباریله علماً دها مترقیدرلر ، بوخصوصده مناقشه یه محل یوقدر . بناءً علیه بزده طلاقك کثرتی قادینلرینکک جهلی ایله حالت اجتماعیه لرینک فناقلندن ایلری کلیورسه نصل اولیورده عین حال تربیه و تعلیم کورمش اولان غرب قادینلرنده بویله مدھش بدرجده ده حکمفرما اولیور ؟ بوندن صراحة اکلاشیلیورکه طلاقك کثرتنه ، عائلهلر آره سنده حکمران اولان اغتشاشات بیتییه جهالتدن ، تسترک تولید ایلدیکی محاذیردن باشقه سببلر واردر .

صوکره اگر ارکککک قادینلری بلا اتفاق ترک ایتلرینه سبب بزده اولدینی کی قادینک ارکک نظرنده محقر اولسی ، ایشه یارامایان او اشیاسی نوغندن عدایدلسی ایسه ممالک غربیه ده - اسباب موجبہ نک فقدانندن ناشی - بوعلتک بولنامسی ایجاب ایدردی . چونکه اورالرده خصوصیه عوام طاقی قادینلره صوک درجده حرمت ایتدکلرینی ادعا ایدیورلر . لکن ایستاتستیکلر کوستریورکه طلاق دعوالری عمومیتله ارکککک قادینلری بلا اتفاق ترک ایتلرندن ایلری کلیور . اویله ایسه بو نتیجه سینده هانکی سببه عطف اولمایدر ؟ غربده قادینلرک محقر کورلمسنه نسبت اولنورسه اولنلر قاریلرینی صوک درجده محترم طانیدقلرینی ، اوغورلرنده فدای جان ایتدکلرینی سویلیورلر . یوق ، تربیه و تهذیب کورمدکلرندن ایلری کلیور دینورسه بزده بیلیوزکه ایچلرنده اوقویوب یازمه دن نصیبی اولمیان بیکده برکشی بیله بولونمیور ، اویله ایسه بومعلوله بالطبع بولنلردن باشقه برعلت اولمق لازم کلیور .

تستر ارککک کندی مشربنه موافق برقادین انتخاب ایتسنه ، اونک اخلاق و اطوارینی اوکرنمسنه مانعدر ، دیورلرده کثرت طلاق بوکاسناد ایدیورلر . بزیسه دیرزکه : اولاً طلاق خلغمزک منورالافکار اولان طبقات عالیه و متوسطه سنده همانده ببتون معدم اولمق درجده سنه کلشددر . اگر دینلدیکی کی طلاقك سببی ارکککک آلهجی قادینی مستوریتندن طولای اولجه کوروب اکلامامسی اولسه ایدی بونک شوایکی طبقه ده ده طبقه سفلائی عوامده نه قدرسه اوقدر اولسی ایجاب ایدردی . حال بوکه مشاهده بونک عکسکی کوستریور .

ثانیاً ارکککک آلهجی قادینک اخلاقی قبل الازدواج کوروب اکلامامسی عدم طلاق کافل اولیدی غربده طلاقك بوقدر چوق اولمامسی لازم کلیری . چونکه اولنلرده تستر اولدینی ایچون بومقصد ایستلیدیکی کی استحصا ایدیلر بیلر . حال بوکه اورالرده طلاق عقالی غربیه

برخطر عظیم ایچنده یولندقلربی اکلانه جق درجهده چوغالمشدر.
ثالثاً رابطه زوجیه نك بقاسنی یكانه ضامن اوله جق شی ازدواجك
سوق محبتله وقوع بولمسندن عبارتدر ، بو محبت ایسه عادت تستر
برطرف ایدلمدجه حاصل اوله ماز ، دینلره قارشى شویله جواب ویربرز:
غربلیر بوسرك دیدیککز نعمتدن آله بیلدیکنه مستفید اولمقده ، حتی
ایچلرنده قاریسنی سومه دن آلانلر يك نادر بولمقده ایکن اولرده
طلاقك بوقدر کثرتی نهدن اقتضا ایدیور ؟

بناءً علیه بر متحرری مدقق میدانده کی علتك ماهیتنی ، اسبابی
لایقیله اکلایه بیلک ایچون يك آشکار بر صورتده کورمکده اولان
بتون بونقطه لری نظر دقتدن آیرماملی ، حتی بونکله ده قانع اولمایه رق
بواحوالی میدانده کترین مقتضیات اجتماعی و اولنلرک اضدادینی تتبع
ایتملی ، صوکرده بر بریلله مقایسه ده بولملی ، دقیق برتحلیل علمی ایله
تدقیق ایله ملی ، تا که مرض مفروضی تولید ایدن الک باشلی سببی اکلایه بیلسون.
بزه کلنجه بز دیرز که : شرقده بواغراضی تولید ایدن اسباب هم
ارککک ، هم قادیك ایکیسنک بردن تربیه و تهذیب کورمه مش اولملریدر.
مع مافیه آز بر تربیه بزم حالت اجتماعیه منری اتم سائره نك محسودی
اوله جق صورتده اصلاحه کافیدر . بوکا بر دلیل محسوس آرانیرسه اوده
بواغراضك طبقات مذهب مزده آز بولمسیدر . بناءً علیه بز تعلم و تهذیب
دها ایلری کیده جك اولورسه ق اولله بر زمان کله جك که ایچمزده بوکی
قاریشیققلر کورلمك شویله طورسون اجتماعیونمک فکرندن بیلله کچمیه جکدر.
بونك ایچون بز بوکی اغتشاشاتی سریع الزوال اولله بر طاقم اعراض
سطحیه قیلندن عد ایدرز که هیچ بروقت بزى بنیان جمعیت منری بیقوبده
یکیدن یاغایه محتاج ایده جك قدر حائر اهمیت دکدر . کذلک تستری
اولله رجائی بر محافظ طائیرز که اوکی اعراضك کولکشرک وجود
اجتماعی مزمن برطاقم امراض عضویه انقلابندن بزى صیانت
ایتمشدر ، عینی اعراضك غربده کی اسبابی ایسه جدأ مهم تأثیرى حائر
اولان اولله برطاقم امراض عضویه در که مداوانی شدید برچوق انقلاباته
محتاجدر . نته کیم بو حقیقتی علمای غربك کافه سی اقرار ایدیور .

پارسلده کائن (قوندورسه) مکتبی فلسفه معلمی علامه (ایزولیه)
دیورکه : « فلاکت حاضره جدأ شدید المخاطره در . بونکله برابر
بوآفت آوروپا آفاقی احاطه ایدن ایلک شفق دکدر . » مشارالیه
صوکره آوروپانك باشندن کچن و صورت دائمه ده شدتلی برچوق
حرکات اجتماعیه ایله محاط بولنن انقلاباتی استطراد قیلندن بیان
ایدیور . ده صوکره و انقلابات ایله مترافق بولندینی حرکاتك همه حال
وقوعی ایجاب ایده جککه انکلیز (قارلایل) ک شوسوزینی اشهاد ایدیور :
« ایستر فرانسه اختلالنك شدایدیله ، ایستر قورقونك تأثیریه ،
ایستره باشقه بر شیلله ، خلاصه هانکی وسیله ایله اولورسه اولسون
بتون خرافاتك ، یلانك اورته دن قالدیره رق یرینه طوغرونك قائم
اولسی مطلقدر . زیرا بزم آرتق حقیقته عودتمز ایجاب ایدیور .
بو حقیقت ایسه آنجق جهنمی برلباس ایچنده تجلی ایده جکدر . چونکه
بزم ایچون اوکا باشقه بر صورتده ظفریاب اولق امکانی بوقدر . »

بونلر تحقق ایتدکدن صکرده حالا ایچمزده بوکی تهدیداته اهمیت
ویرمه ینلر ، هر شیده خصوصیه قادین مسئله سنده غربی تقلید ایتمه منری
ایسته ینلر بولنسی شایان استغرابدر . حال بوکه بوکون غرب علمانی
اک زیاده اشغال ایدن برشی وارسه اوده بومسئله در . آرتق مسلمانلر
بوشکایتلرک ، بوفریادلرک آرقه مسندن عظیم برقیامت قویه جفنی بیلسونلرده
قیزلرینی تهذیب ایله اکتفا ایتسونلر ، یوقسه اولنلری دائره فطرتك
خارجنه چیقارماسونلر . وارسون عالم نظامات کونی تغییر ایله اوغرا .
شسون ، اولنر مناج اعتدال دن آیرلسونلر . طورسونلرده قوانین آلهیه .
نك ارباب افراط و تفريط حقنده کی آثارینی نظر عبرتله تماشا ایتسونلر .
زیرا فاطر حکیم بزه دنیاده کندی نظام خلقتنه تمامیه موافق اولان
بوشریعت غرابی احسان ایلدیکی ایچون فردای محشرده ده بتون
عالملره قارشى بزى اشهاد ایده جك ، (و کذلک جعلنا کم امةً وسطاً
لتکونوا شهداء علی الناس و یكون الرسول علیکم شهیداً) خطاب لاهوتیسنك
سری اوراده تجلی ایلیه جکدر .
منبرجمی : محمد عاکف

مواظط

محرری :

مقرری :

سیروزی ح . اشرف ادیب

مناستری اسماعیل حق

درس : ۵۱ — ۲۶ ایلول ۳۲۴

اما اخوتك ده اخصیت مرتبه سی وار . حتی دیندا شلق معناسنه
قارداشلق ده کافی دکدر . نوع بشری اصلاح ایچون اوده کافی کلور .
هرکس مرتبه کالده اولملی که اخوت دینییه بو بایده کافی کله بیلسون . بو ،
اخوت نسبیه دن ده بیوکدر . دین کی جهت جامعه بولماز چونکه . قدری
بیلملی ، احکامنه منقاد اولملی . هرکسی آنی اعزآمال ایدینلی . انک ایچون
سلطان انبیا ، [انما المؤمنون اخوة] ایت جلیله سی اورته ده طورورکن
بر حدیثده : — [لاتحاسدوا ولا تباغضوا ولا تباہروا وکونوا عبادالله
اخواناً] بیورمشدر ، اسباب تفرقه یی بتون بتون ازاله ایدک . بربریکزه
حسد ، بغض و عداوت ایتیک ، الیش و یریشده ، معاملاتده الدائیک ،
[وکونوا عبادالله اخواناً] ای اللهم قوللری ، ای اتم ! سزکه اللهم
قولیسیکز ، اخوان اولوکز ، قارداشلر اولوکز .

بوخطاب مؤنلره در . ذاتاً اولنلرک قرآنجه قارداش اولدقلری
معلوم !... فقط او اخوتی معتبر طومتق ، حسن معاشرت ایله مک ،
بیلرنده کی هر درلو منافرتی قالدیره رق بربرلرینه دائماً قارداشجه معامله
ایتمک غایت مهم اولمغله آروجه فرمان رسالت پناهیلله تأکید بیورمشدر .
ای اللهم قوللری ! قارداش اولوک . یعنی بربریکزه حسن معاشرت
ایدک .

بعضاً نسب قارداشی بیلله بر سوء معامله ایدر . اک قوی
قارداشلق بو حدیثده بیان اولونیور که حسن معاشرت معناسنه